



USAID
FROM THE AMERICAN PEOPLE



INSTITUTE FOR
**Sustainable
Communities**

CIVIL SOCIETY STRENGTHENING PROJECT

In partnership with the European Center for Not-for-Profit Law, Konekt, and the Macedonian Institute for Media

Konkurs për grante për organizata jo- qeveritare (OJQ) udhëheqëse

PFSHC është i financuar nga Agjencioni për Zhvillim Ndërkombëtar i Shteteve të Bashkuara përmes marrëveshjes për bashkëpunim #165-A-00-05-00101 me Institutin për Komunitete të Qëndrueshme.

HYRJE

Instituti për Komunitete të Qëndrueshme (IKQ) në kuadër të Projektit për forcimin e shoqërisë civile (PFShC) i cili është i financuar nga Agjencioni për Zhvillim Ndërkombëtar i Shteteve të Bashkuara (USAID), shpall konkurs për grante për organizata jo-qeveritare (OJQ) me përvojë anembanë Republikës së Maqedonisë. Qëllimi i PFShC është që ta përkrah shoqërinë civile në Maqedoni të bëhet partner më i efektshëm, më ndikues dhe më i përhershëm pranë qeverisë dhe biznes sektorit në formimin e të tashmes dhe ardhmërisë së vendit.

Qëllimi i konkursit për grante është që të identifikon dhe zhvillon një grupë prej jo më tepër se 8 OJQ –ve udhëheqëse që do ta plotësojnë grupin thelbësor të 17 OJQ –ve udhëheqëse të përfshira gjatë tre vjetëve të para të zbatimit të Projektit. Grupi i përzier i organizatave do të përfshinë organizata të fokusuar në çështjet ose organizata që ofrojnë shërbime, grupe për mbikëqyrje, koalicione që mirren me çështje specifike ose rrjete formale, shoqata profesionale dhe institute kërkimore. OJQ -të e zgjedhura do të përfaqësojnë larmi në shtrirjen gjeografike, në gjini dhe përfshirje etnike, si dhe në udhëheqje dhe personel. OJQ-të udhëheqëse të meparshme kanë të drejtë për të aplikuar, por nuk do të trajtohen me parapëlqim.

Organizatave e zgjedhura do të jenë të afta të shërbejnë si udhëheqëse në lëminë e veprimit të tyre dhe të mund të jenë si këshilltarë dhe si resurse për OJQ të tjera. Aplikuesit duhet të tregojnë përkushtim për një çështje konkrete ose sektor, të kenë dëshmi për sukseset e tyre që e mbështesin misionin e tyre, dhe potencial për të arritur rezultate të jashtëzakonshme. Ata duhet të tregojnë se si do ta mbështesin zhvillimin e OJQ-ve të tjera, si dhe shoqërisë civile në përgjithësi, me anë të çështjeve të cilave u përkushtohen ose me anë të trajnimeve, ndarjes së granteve, këshillimit apo me anë të shkëmbimit të informatave dhe rrjetëzimit.

OJQ-të e zgjedhura nga ky konkurs do të marrin pjesë në program për ngritjen institucionale për t'i përplotësuar projektet e tyre. Duke u bazuar në një Vlerësim të kapaciteteve çdo OJQ do të zhvilloj dhe zbatoj Plan të individualizuar për ngritjen e kapaciteteve në kuadër të projektit. Përveç granteve për projekte specifike për avokim, çdo OJQ-je do ti ipet ndihme teknike, trajnim, dhe informata për zbatim të projekteve të tyre dhe për zhvillim institucional të organizatës përkatëse.

KARAKTERISTIKAT E GRATIT

Grante 12 mujore gjer më 25 000 dollarë amerikanë do jipen për të përkrahur projekte specifike për avokim që mundësojnë pjesëmarrje qytetare në fushën e decentralizimit, antikorrupsionit, dhe integrimin në BE. Përprojekjet për avokim duhet të synojnë arritjen e politikave të përmirësuar, procedurave ose sistemeve të institucioneve ekzistuese si në nivel qendror poashtu edhe në lokal që do ta nxis integrimin e Maqedonisë në BE. Përprekjet për antikorrupsion do ta mbikëqyrin qeverinë në nivel qendror ose lokal që të promovon transparencë më të madhe, të identifikon praktika të korruptuara dhe të zhvillon mekanizma

më efikase dhe të përgjegjshme.

Aplikuesit mund të dorëzojnë projekte të fokusuara në cilën do qoftë temë ose lloj të aktiviteteve që janë brenda misionit të tyre dhe bien nën lëmitë e përgjithshme të lartëpërmendura. OJQ aplikuesit e suksesshëm do të duhet të prezantojnë projekte ambicioze të disenjuara që të arrijnë ndikim maksimal. Aty ku është e përshtatshme, projektet duhet të nxisin zhvillimin e partneriteteve me më shumë palë të interesuara si p.sh. me qeverinë, bizneset, dhe mediat.

Në vijim është një listë ilustruese për llojet e aktiviteteve që mund të jenë të përfshira nga projektet e përkrahura nga PFSHC:

- Monitorim i zbatimit, aplikimit dhe përputhje të legjislacionit në nivel kombëtar ose lokal.
- Trajtim i çështjeve ligjore dhe fiskale që ndikojnë mbi OJQ-të.
- Mbikëqyrje qytetare të qasjes së barabartë, shpërndarjes së drejtë, jo-diskriminim dhe efikasitet në shpërndarjen e shërbimeve publike.
- Mbikëqyrje qytetare të praktikave financiare, të buxhetimit dhe kontabilitetit të institucioneve të qeverisë lokale dhe kombëtare duke përfshirë edhe furnizimet publike.
- Promovim i ndryshimeve mbi legjislacionin për antikorrupsion ose mekanizma që e përmirësojnë menaxhimin publik.
- Zhvillim i modeleve për ofrim të shërbimeve sociale në nivel kombëtar ose në sistem të decentralizuar.
- Zbatim i legjislacionit në nivel lokal për përkrahje të procesit të decentralizimit.
- Nxitje të përgjegjshmërisë në vendim-marrjen lokale, të sigurohet pjesëmarrje qytetare për vendim-marrjen ose të rishikohet vendim-marrja e autoriteteve lokale.
- Aktivitete të tjera të cilat përkrahin qëllimet e lartë përmendura të konkursit për grante.

Shuma e çdo granti individual do të varet nga projekti i propozuar nga organizata dhe kapaciteti i saj për menaxhim financiar. Të gjitha projektet duhet të përfundojnë jo më vonë se 12 muaj pas përgatitjes së marrëveshjes për grant. Nga OJQ-të udhëheqëse grantmarrëse do të kërkohet që në planin e projektit dhe në propozimin për shpenzime të caktojnë burime duke i ndjekur Udhëzimet Teknike. OJQ-të udhëheqëse pritet të jenë ekonomike dhe të tregojnë mbështetje për projektin përmes mobilizimit të një pjesë të fondeve, kontribut në të holla prej organizatës dhe kontribut në natyrë. Rekomandohet 20% fonde të përbashkëta ose kontribut të vetë organizatës.

E DREJTA PËR APLIKIM

OJQ-të që janë të përshtatshme për të konkurruar si mëposhtë mund të aplikojnë për grant për OJQ udhëheqëse. **Ju lutemi të keni parasysh se nëse një organizatë nuk i përmbush kriteret për aplikim, aplikimi NUK DO TË PRANOHET PËR SHQYRTIM.**

1. *Regjistrimi (Të regjistruar si persona juridik në Maqedoni sipas Ligjit për shoqata qytetare dhe fondacione)*
2. *Xhiro llogari në bankë*

VËREJTJE: OJQ udhëheqëse të mëparshme nga Projekti për forcimin e shoqërisë civile janë të përshtatshme për të aplikuar, por nuk do të trajtohen me parapëlqim.

PROCESI I VLERËSIMIT TË PROPOZIMEVE

Të gjitha aplikimet do të vlerësohen në frymë konkurruese në përshtatje me kriteret e mëposhtme. Këto kritere u zhvilluan që tu përgjigjen qëllimeve konkrete të Projektit për forcim të shoqërisë civile. Numri i pikëve të dhëna tregon rëndësinë relative të çdo faktori. Për ta bërë procesin e vlerësimit sa më objektiv, çdo aplikues duhet qartë të tregojë se si propozimi i tij i përmbush kriteret e mëposhtme.

Kriteri	Maksimum pikë
1.Projekt propozimi	40
2.Propozimi për shpenzime	20
3.Kapaciteti organizativ dhe përvoja e mëparshme	40
Total	100

1. Projekt propozimi (40 pikë)

- Deri në cilën shkallë projekti i propozuar është i logjikshëm, mirë i përpiluar, teknikisht në gjendje të mirë, reflekton kuptim për problemet që do ti has dhe u përgjigjet në mënyrë direkte qëllimeve të identifikura në këtë konkurs. Aplikime nga koalicionet dhe rrjetet që mund të demonstrojnë që mund të arrijnë rezultate më me efekt se një OJQ individuale që kishte punuar vetëm do të vlerësohen më lartë. (10 pikë)
- Deri në cilën shkallë projekti i propozuar tregon: i) kuptim të qartë për çështjen që e përpunon, ii) qasje inovative dhe origjinale për çështjen në Maqedoni, iii) aktivitete konkrete me të cilat demonstron përfshirja e barabartë e partnerëve në projektin iv) një grup konkret i rezultateve kuptimplota dhe reale që duhet të arrihen, dhe v) sqarim logjik se si do të maten rezultatet. (15 pikë)
- Deri në cilën shkallë projekti i propozuar i përfshin çështjet gjinore dhe etnike. (5 pikë)
- Deri në cilën shkallë aktivitetet e projektit të propozuar e demonstrojnë ndikimin afatgjatë dhe qëndrueshmërinë, duke përfshirë ndryshime të përhershme efektive në sektorët tjerë. (10 pikë)

2. Propozimi për shpenzime (20 pikë)

- Deri në cilën shkallë shpenzimet e propozuara janë reale dhe në rrydhë me aktivitetet e projektit. (10 pikë)
- Niveli i përkushtimit të treguar në lidhje me sigurimin e fondeve të përbashkëta

dhe kontributeve në natyrë. Propozimi për fondet e përbashkëta do të vlerësohet në bazë të nivelit të pjesëmarrjes financiare, e cila është e identifikuar nga mundësitë e kandidatit dhe vlera e shtuar për programin. (10 pikë)

3. Kapaciteti organizativ dhe përvoja e mëparshme (40 pikë)

- Deri në cilën shkallë organizata që aplikon ka përkushtim të vërtetuar për misionin e saj dhe aftësi ta zbaton projektin e propozuar siç është e paraparë, duke përfshirë sisteme menaxhere dhe financiare adekuate, dhe niveli i larmisë në udhëheqje dhe personel. Poashtu do të konsiderohet gatishmëria e OJQ-së të merr pjesë në programin për ngritje të kapaciteteve (20 pikë)
- Deri në cilën shkallë organizata që aplikon ka aftësi për udhëheqje të vërtetuar në sektorin e saj dhe kapacitet të mundëson përkrahje dhe shërbime për tjera OJQ. (20 pikë)

Gjatë shqyrtimit IKQ mund të kërkoj informata plotësuese për grant propozimin ose për organizatën në përgjithësi. Kërkesa për informata plotësuese nuk do të thotë se IKQ do të ose nuk do të përkrah projektin, ajo thjesht tregon se informatat janë të nevojshme me qëllim që të kompletohet procesi i shqyrtimit.

Përveç kritereve të sipërpërmendura, PFSHC gjatë zgjedhjes së finalistëve do ta konsideron edhe barazpeshën e mbulimit gjeografik dhe lëmisë që përpunohet.

PROCEDURA PËR DËRGIM TË KËRKESAVE

Propozimet për grante duhet të dërgohen pranë zyrës së IKQ jo më vonë se ora 17:00, 26 gusht 2008, në formatin e duhur dhe me gjitha ngjitjet e domosdoshme. Propozimet e pranuar pas kësaj kohe nuk do të konsiderohen. Me qëllim që të respektohet afati i inkurajojmë aplikuesit që ti dergojnë propozimet drejtëpërdrejtë ose nëpërmjet të postës në adresën e mëposhtme.

Aplikimi i plotë duhet të dërgohet në **3 (tre) kopje** në A4 format dhe në version elektronik (CD-Rom). Versioni elektronik duhet të përmban **pikërisht të njëjtin** propozim si dhe versionin i shtypur.

Propozimet duhet të dërgohen në gjuhën maqedonase, në përkrahje cirilike në font Arial, me madhësi 11. Poashtu duhet të dërgohet Përmbledhja e projektit në 2 (dy) faqe në gjuhën angleze. Formulari Aplikues i bashkëngjitur duhet të mbushet plotësisht bashkë me projekt propozimin, i cili nuk duhet të tejkalon **10 faqe të shtypura**.

Çdo kopje e aplikimit duhet të dërgohet në **zarf të veçante të vulosur**, në të cilën duhet të shënohet **titulli i konkursit**, emri i plotë dhe adresa e aplikuesit.

Një aplikues mund të dërgon më tepër se një propozim në kuadër të këtij konkursi, mirëpo ai

aplikues nuk mund të pranon më tepër se një grant nga ky konkurs.

- IKQ nuk do të pranon aplikime të dërguara nëpërmjet të faksit dhe e-mailit.
- IKQ nuk do t'i kthen aplikimet e dërguara.
- Propozimet e shkruara në dorë nuk do të konsiderohen.

Aplikuesit do të informohen për statusin e propozimit të tyre në tetor 2008. IKQ planifikon ti jep grantet kah fundi i muajit tetor 2008.

Në interes të trajtimit të barabartë të aplikuesve, IKQ nuk do të jep mendime pararendëse për përshtatshmërinë e aplikuesit, partnerit ose të ndonjë aktiviteti.

Instituti për Komunitete të Qëndrueshme
*Mitropolit Teodosija Gologanov 124/1
1000 Shkup
Republika e Maqedonisë
Tel: +389 2 3245 817
Faks: +389 2 3245 818
E-mail: isc@isc.org.mk
www.isc.org.mk

*Gjithashtu e njohur si: Ivo Ribar Lola 60/1 (mbi Nokia shitoren)
